

## Мемлекеттік орман қоры участекерінде шөп шабу және мал жаю қағидаларын бекіту туралы

Қазақстан Республикасы Ауыл шаруашылығы министрінің 2015 жылғы 12 қазандағы 18-02/909 бұйрығы. Қазақстан Республикасының Әділет министрлігінде 2015 жылы 10 қарашада 12259 болып тіркелді.

2003 жылғы 8 шілдедегі Қазақстан Республикасы Орман кодексінің 99-бабының 4-тармағына сәйкес **БҰЙЫРАМЫН**:

1. Қоса беріліп отырған Мемлекеттік орман қоры участекерінде шөп шабу және мал жаю қағидалары бекітілсін.

2. Қазақстан Республикасы Ауыл шаруашылығы министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық Қазақстан Республикасы Әділет министрлігінде мемлекеттік тіркелгеннен кейін күнтізбелік он күн ішінде оның көшірмесінің мерзімді баспа басылымдарында және "Әділет" ақпараттық-құқықтық жүйесінде ресми жариялауга жіберілуін;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында және мемлекеттік органдардың интранет-порталында орналастыруын қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Ауыл шаруашылығы вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының  
Ауыл шаруашылығы министрі

A. Мамытбеков

Қазақстан Республикасы  
Ауыл шаруашылығы министрінің  
2015 жылғы 12 қазандағы  
№ 18-02/909 бұйрығымен  
бекітілген

## Мемлекеттік орман қоры участекерінде шөп шабу және мал жаю қағидалары 1. Жалпы ережелер

1. Осы Мемлекеттік орман қоры участекерінде шөп шабу және мал жаю қағидалары (бұдан әрі – Қағидалар) 2003 жылғы 8 шілдедегі Қазақстан Республикасы Орман

кодексінің (бұдан әрі – Кодекс) 99-бабының 4-тармағына сәйкес өзірленді және мемлекеттік орман қоры участекелерінде шөп шабу мен мал жаю тәртібін белгілейді.

## 2. Осы Қағидаларда мынадай үғымдар пайдаланылады:

1) орманның генетикалық резерваты – өсімдіктер түрі, түр тармағы популяциясының генетикалық-селекциялық тұрғыдан құнды бөлігі бар орман участекесі;

2) орман пайдалану – орман ресурстары мен орманның пайдалы қасиеттерін пайдалану жөніндегі зандық және экономикалық жағынан регламенттелген қызмет;

3) орман пайдалануши – Кодексте белгілеген тәртіппен уақытша орман пайдалану құқығы берілген жеке немесе занды тұлға;

4) орман шаруашылығы саласындағы уәкілдік органның ведомствоны – орман қорын құзету, қорғау, пайдалану, ормандарды молықтыру және орман өсіру саласында басқару мен бақылау функцияларын жүзеге асыратын мемлекеттік орган.

3. Мемлекеттік орман қорының шөп шабуға және мал жаюға болатын участекелерін орман орналастыру жобаларына немесе ерекше қорғалатын табиғи аумақтарды басқару жоспарларына сәйкес мемлекеттік орман иеленушілер белгілейді.

4. Шөп шабу және мал жаю үшін мемлекеттік орман қорының құрамына енетін осы мақсатқа жарамды ауыл шаруашылығы жерлерінің алқаптары бөлінеді, сондай-ақ алаңқайлар және шөп шабу басталғанға дейін орманды табиғи немесе жасанды жолмен жаңарту, оларды жақсарту жөнінде басқа да іс-шаралар жүргізу көзделмейтін басқа да орман көмкермеген алқаптар және сексеуіл мен басқа да бұта түрлерімен көмкерілген (жинақталмаған орман екпелерінен басқа) орман алқаптары, сондай-ақ қайта жаңартуға арналмаған құндылығы аз екпелердің жекелеген участекелері пайдаланылады.

**Ескерту. 4-тармақ жаңа редакцияда - КР Экология және табиғи ресурстар министрінің 18.05.2023 № 156 (алғашқы ресми жарияланған қунінен кейін күнтізбелік он құн өткен соң қолданысқа енгізіледі) бұйрығымен.**

5. Мемлекеттік орман қоры участекелерінде шөп шабуға болатын алаңдарды жыл сайын шөп шабу басталғанға дейін Кодекстің 13-бабының 1-тармағының 18-3) тармақшасына сәйкес бекітілген орман орналастыру материалдарының негізінде мемлекеттік орман иеленушілер нақтылайды.

6. Кодекстің 99-бабының 2-тармағына сәйкес мемлекеттік орман қорына кіретін жайылымдарда бақташысыз мал жаю шалғай, жолы қыын және халық аз қоныстанған аудандарда ерекше жағдайларда жүзеге асырылады.

## 2. Мемлекеттік орман қоры участекелерін шөп шабу және мал жаю үшін пайдалану тәртібі

7. Мал жаю мемлекеттік орман қоры участекелерінде осы Қағидаларға қосымшаға сәйкес айқындалатын алаңдарда жүзеге асырылады, бұл ретте мал жаю үшін участекелер таңдау орман жайылымдарын маусымдық пайдалану мүмкіндіктері, жайылым айналымдарын және оларға жеткілікті жүктемені ескере отырып, жүзеге асырылады.

## 8. Жайылым айналымының алаңы:

- 1) есу кезеңінің табиғи-климаттық жағдайларын;
- 2) жайылымдардың шығымдылық деңгейін;
- 3) эрозияға ұшырау үдерістерінің ықтимал мүмкіндігі және нақты байқалуын;
- 4) жабайы өсетін шөптердің ерекше құнды тұқымдарын жинау мүмкіндігі;
- 5) "демалыс" берудің орындылығы, яғни жыл бойына мал жаюды, шөп шабуды толық болдырмауды ескере отырып, белгіленеді.

9. Мынадай мемлекеттік орман қоры участеклерінде шөп жабу (өртке қарсы іс-шаралар шенберінде жүзеге асырылатын шөп шабудан басқа) және мал жаю:

1) мемлекеттік орман қорының "мемлекеттік табиғи қорықтар ормандары", "табиғаттың мемлекеттік орман ескерткіштері", "орманның гендік резерваттарын қоса алғандағы ғылыми маңызы бар орман участеклері", "аса құнды орман алаптары" санаттарында, сондай-ақ қорық және тапсырыс режиміндегі мемлекеттік ұлттық табиғи саябақтар мен мемлекеттік өнірлік табиғи саябақтар аймақтарында, мемлекеттік табиғи резерваттардың қорық орталығы аймақтарында;

2) мемлекеттік орман қорының рекреациялық пайдалану аймақтарындағы, әкімшілік-өндірістік мақсаттағы, келушілер мен туристерге қызмет көрсетуге арналған шағын аймақтардағы "мемлекеттік ұлттық табиғи саябақтар ормандары" және "мемлекеттік өнірлік табиғи саябақтар ормандары" санаттарында;

3) мемлекеттік орман қорының бұзылған ландшафттарды қалпына келтіру аймағындағы "мемлекеттік табиғи резерваттар ормандары" санатында;

4) мемлекеттік орман қорының тапсырыс режимі аймағындағы "мемлекеттік қорық аймақтары ормандары" санатында;

5) мемлекеттік орман қорының "жанғақ кесіпшілігі аймақтары", "орман-жеміс екпелері", "аса биік тау ормандары", "мемлекеттік қорғаныштық орман белдеулері", "эрозияға қарсы ормандар" және "халықаралық және республикалық маңызы бар ортақ пайдаланудағы темір жолдар мен автомобиль жолдарының, магистральдық құбырлар мен басқа да желілік құрылыштардың бөліп берілген белдеулеріндегі қорғаныштық екпелер", "халықаралық және республикалық маңызы бар ортақ пайдаланудағы темір жолдар мен автомобиль жолдары бойындағы қорғаныштық орман белдеулері" санаттарында жүзеге асырылмайды.

**Ескерту. 9-тармаққа орыс тілінде өзгерістер енгізілген, қазақ тіліндегі мәтін өзгертилмейді - КР Ауыл шаруашылығы министрінің 25.12.2015 № 19-1/1124 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бүйрекшімен.**

10. Мал жаюға рұқсат етілген участеклер тізбесін мемлекеттік орман қоры жерлерінің жай-күйіне қатысты болып жатқан өзгерістерді, сондай-ақ орманды қалпына келтіру іс-шараларын жүргізу мен орман ресурстарын дайындау жоспарларын ескере отырып, мемлекеттік орман иеленушілер жыл сайын нақтылап отырады.

11. Сексеуіл ормандарынан басқа, мемлекеттік орман қоры участекелерінде ешкі жаюға арнайы бөлініп, қоршалған участекелерде ғана жол беріледі.

**Ескерту. 11-тармақ жаңа редакцияда – ҚР Премьер-Министрінің орынбасары – ҚР Ауыл шаруашылығы министрінің 03.11.2017 № 445 (алғашқы ресми жарияланған күнінен кейін құнтізбелік жиырма бір күн өткен соң қолданысқа енгізіледі) бүйрығымен.**

12. Шөп шабу мен мал жаю үшін мемлекеттік орман қоры участекелері ұзақ мерзімді орман пайдалану шартының талаптарымен, ал қысқа мерзімді орман пайдалануға қысқа мерзімді орман пайдалану шарты және рұқсат беру құжаттары негізінде беріледі.

**Ескерту. 12-тармақ жаңа редакцияда – ҚР Премьер-Министрінің орынбасары – ҚР Ауыл шаруашылығы министрінің 03.11.2017 № 445 (алғашқы ресми жарияланған күнінен кейін құнтізбелік жиырма бір күн өткен соң қолданысқа енгізіледі) бүйрығымен.**

13. Орман иеленушілер 2003 жылғы 20 маусымдағы Қазақстан Республикасы Жер кодексінің 36, 41-баптарына сәйкес шөп шабу мен мал жаюға жарамды мемлекеттік орман қоры участекелерінен орман шаруашылығы мен ерекше қорғалатын табиғи аумақтар қызметкерлеріне шөп шабу үшін қызметтік жер телімдерін бөледі.

14. Шөп шабу мен мал жаю үшін мемлекеттік орман қоры участекелерін ұзақ мерзімді орман пайдалануға бөлу Қазақстан Республикасы Ауыл шаруашылығы министрінің 2015 жылғы 7 қазандығы № 18-02/896 бүйрығымен (Нормативтік құқықтық актілерді мемлекеттік тіркеу тізілімінде № 12247 тіркелген) бекітілген Мемлекеттік орман қоры участекелерінде орман ресурстарын ұзақ мерзімді орман пайдалануға беру жөнінде тендерлер өткізу қағидаларына сәйкес тендерлік негізде жүзеге асырылады.

**Ескерту. 14-тармақ жаңа редакцияда - ҚР Ауыл шаруашылығы министрінің 25.12.2015 № 19-1/1124 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бүйрығымен.**

15. Шөп шабу мен мал жаюға жарамды қалған аландар туралы мәліметтерді (осы Қағидалардың 13-тармағында көрсетілгеннен басқа) орман иеленушілер тендер үйимдастырушыларға шөп шабу мен мал жаю басталғанға дейін екі айдан кешіктірмей береді.

16. Мемлекеттік орман қоры участекелерінен шөп шабатын және мал жаятын алқаптардың бөлінуіне мұқтаж орман пайдаланушылар:

1) ұзақ мерзімді негізде (ұзақ мерзімді орман пайдалану) тендер өткізуді үйимдастырушыларға шөп шабу мен мал жаю үшін ұзақ мерзімді пайдалануға мемлекеттік орман қоры участекелерін беру бойынша тендерге қатысуға арналған өтінім-лоттарды орман иеленушілердің дайындауы үшін тиісті өтінімдер жолдайды;

2) қысқа мерзімді негізде (қысқа мерзімді пайдалану) шөп шабу немесе мал жаю басталғанға дейін екі айдан кешіктірмей орман иеленушілерге орман пайдалану үшін участекелер беру жөнінде өтініш жазады.

17. Тендерлер өткізуді ұйымдастырушылар шөп шабу мен мал жаю үшін мемлекеттік орман қоры участекелерін беру жөнінде өткізілген тендерлердің нәтижелері негізінде мемлекеттік орман қоры участекелерінде орман ресурстарын ұзақ мерзімді орман пайдалануға беру жөніндегі тендер комиссиясының хаттамасын толтырады, оның негізінде мемлекеттік орман иеленушілер мен орман пайдаланушылар арасында осы участекелерді ұзақ мерзімді орман пайдалану туралы шарт жасалады, онда осы участекелерді пайдалану жөніндегі талаптармен және тараптардың өзара қарым-қатынастарының шарттарымен қатар Кодекстің 38-бабына сәйкес қорғау және Ормандарда өрт қауіпсіздігі қағидаларын сақтау жөніндегі міндеттер белгіленеді.

18. Шалғайдағы мал шаруашылығы үшін мемлекеттік орман қоры участекелерін беру жөніндегі өтінім-лоттарды дайындау кезінде көршілес аудандардың, облыстардың қажеттілігін ескеру керек.

19. Орман иеленушілер өткізілген тендерлердің нәтижелері бойынша жасалған шарттарға сәйкес және орман пайдаланғаны үшін төлем жасалғанын күэландыратын құжаттардың негізінде тендерлердің жеңімпаздарына "Ағаш кесу билеті мен орман билетінің нысандарын, оларды есепке алу, сақтау, толтыру және беру қағидаларын бекіту туралы" Қазақстан Республикасы Ауыл шаруашылығы министрінің 2015 жылғы 26 қантардағы № 18-02/40 бұйрығымен (Нормативтік құқықтық актілерді мемлекеттік тіркеу тізілімінде № 10676 болып тіркелген) бекітілген нысан бойынша орман билеттерінің жыл сайын берілуін оларға шөп шабу мен мал жаю үшін мемлекеттік орман қоры участекелерінің табиғи түрінде берілуін қамтамасыз етеді.

20. Шөп шабу мен мал жаю үшін мемлекеттік орман қоры участекелерін қысқа мерзімді орман пайдалануға беру кезінде орман пайдаланушының өтініші және орманды пайдаланғаны үшін малдың болуы және төлем жасалғанын күэландыратын құжаттардың негізінде орман пайдаланушыларға да орман билеті жазып беріледі.

**Ескеरту. 20-тармақ жаңа редакцияда - КР Экология және табиғи ресурстар министрінің 18.05.2023 № 156 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

21. Берілген мемлекеттік орман қоры участекелерінде шөп шабу мен мал жаю орман билеттерінде көрсетілген мерзімдерде жүзеге асырылады.

22. Шөп шабу мен мал жаю үшін берілген мемлекеттік орман қоры участекелерінде орман пайдалану құқығы Кодекстің 39-41-баптарына сәйкес тоқтатыла тұрады, шектеледі немесе тоқтатылады.

23. Орман ресурстары шөп шабу және мал жаю үшін ұзақ мерзімді орман пайдалануға берілген мемлекеттік орман қорының жерлерінде объектілер салу Кодекстің 102-2-бабына және "Қазақстан Республикасындағы сәулет, қала құрылышы және құрылыш қызметі туралы" Қазақстан Республикасының Занының 27-2-бабына сәйкес жүзеге асырылады.

Ұзақ мерзімді орман пайдалану кезінде орман пайдаланушы берілген участекерде үақытша (қалқалар, күзет үйшіктері, қоршаулар, қашалар) құрылыстар салады.

Жануарларды қашаларда орналастыру мынадай норманы сақтай отырып жүзеге асырылады:

1) ірі жануарлар үшін (түйелер, жылқылар, мүйізді ірі қара малдар - бұдан әрі - ірі жануарлар) - бір жануарға 3 м<sup>2</sup>;

2) ұсақ жануарлар үшін (қойлар, ешкілер, шошқалар) - бір жануарға 1,7 - 2 м<sup>2</sup>.

Қашаларда қораларда ірі малдарға қосымша байлағыштар жасалады.

Қашаларды металл құрылыстарынан жасайды, олардың биіктігі:

1) ірі жануарлар үшін кем дегенде 1,5 м;

2) ұсақ жануарлар үшін кем дегенде 1 м.

Секциялар мен қашаларды жануарлардың жарақаттану мүмкіндігін болдырмайтын шарбақтармен, қақпалармен жабдықтайды.

Қысқа мерзімді орман пайдалану кезінде құнарлы қабатты адып тастамай, қоршау мен тұруға жарамды жылжымалы үй-жайларды орнатуға рұқсат етіледі.

Аталған құрылыстардың мөлшері және оларды орналастыру ұзақ мерзімді және қысқа мерзімді орман пайдалану шартында, сондай-ақ орман билетінде көрсетіледі.

**Ескерту. Қағидалар 23-тармақпен толықтырылды - КР Экология және табиғи ресурстар министрінің 18.05.2023 № 156 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.**

24. Сексеуіл ормандарынан басқа, мемлекеттік орман қоры участекерінде ешкі жаюға арнайы бөлініп қоршалған участекерде ғана жол беріледі.

**Ескерту. Қағидалар 24-тармақпен толықтырылды - КР Экология және табиғи ресурстар министрінің 18.05.2023 № 156 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.**

Қазақстан Республикасы  
Экология және табиғи  
ресурстар министрінің  
бұйрығымен  
бекітілген

### **Мемлекеттік орман қоры участекеріндегі мал жаю аландарын айқындау**

**Ескерту. Қосымша жаңа редакцияда - КР Экология және табиғи ресурстар министрінің 18.05.2023 № 156 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.**

№	Табиғи аймақтар	Аудыл шаруашылығы жан уарларының түрлері	Мал жаю алаңы, басқа гектар
1	2	3	4
1	Жартылай шөлейт және шөлейт	Қой, ешкі Ірі қара мал Жылқы	3,0 5,0 7,2

2	Далалы	<p>Қой, ешкі Ірі қара мал Жылқы</p>	<p>1,5-3,0 1,5-3,0 1,0-2,25</p>
3	Таулы	<p>Қой, ешкі Ірі қара мал Жылқы</p>	<p>0,75-1,5 0,75-1,5 1,0</p>

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК